

**ЯНГИЛАНАЁТТАН ЁЗБЕКИСТОН ЁШЛАРИДА ВАТАНПАРВАРЛИК
ТУЙВИСИНИ ШАКЛАНТИРИШ****Тургунбаев Тохиржон Абдугафурович***Fargona davlat universiteti harbiy talim fakulteti o'qituvchisi***Ruzaliyev Xasanboy Raxmonovich***Fargona davlat universiteti harbiy talim fakulteti tyutori***Ubaydullayev Saidakbar Saydaliyevich***Fargona davlat universiteti harbiy ta'lim fakulteti kursanti*

Аннотация: Янгиланаётган Ёзбекистон ўз олдига улкан стратегик мақсадларни кўйган ҳолда илдам қадамлар билан тараққиётга эришиб бормоқда. Белгиланган маррага эришишида аҳолининг энг фаол қатлами ҳисобланган ёшларга катта ишонч билдирилмоқда. Шу билан бир қаторда ёшларни жипслаштириш, уларга ўз қобилиятларини намоён этишида янги имкониятлар яратиш мақсадида фаолият олиб бораётган Ёшлар ишлари агентлиги ва ишлар иттифоқининг мамлакатда амалга оширилишида ёшларга оид давлат сиёсатини амалга оширилишида ўзига хос ташаббусларини намоён қилмоқда. Шу билан бирга мазкур бобда аҳоли, хусусан ёшлар орасида миллий ифтихор ва ватанпарварлик туйғуларини шакллантириш бўйича янгича ёндошувлар ҳақида маҳаллий ва хорижий олимлар қарашлари кенг тадқиқ этилган.

Калит сўзи: Ватан Тарих фуқаро стратегия тараққиёт Президент Мақсад стратегия мазмун портлаш

Ҳар бир одам, яхлит олганда бутун халқ, ўз Ватанини чуқур билса, теран томирлари қаерларга бориб етиши ва туташганини яхши англаса, бугу-нини теранроқ ҳис этади ва қадрига этади, келажагини ёрқин кўра билади. Тарих мисоли дарахтнинг ўқилдизи. Пойдеворсиз иморат бўлмаганидек, ўқилдизсиз дарахт юксакликка бўй чўза олмайди, бўронларга дош берол-майди.

Ҳамма ҳам Ватан нима эканини ҳис эта оладими? Биров учун Ватан бу уй-жой, бола-чақа, бошқаларга эса тўкин-сочин яшаш учун қулай жой, ундайлар учун қаерда яшаш осон бўлса, ўша ер Ватан. Бутун ер юзини Ватаним деб билувчи кимсалар ҳам бор, албатта. Уларни одатда космопо-литлар деб атайдилар. Оддий халқ ибораси билан айтсак, уларни беватанлар ҳам дейиш мумкин. Тарихий Ватанини, аждодлари хотирасини унутиб юбор-ган кимсалар, ўзлари ҳозирда яшаб турган мамлакатларига ҳам садоқатли фуқаролар бўлолмайдилар. Чунки ҳақиқий фуқаро бўлиш учун, энг аввало, чин инсон бўла олиш шарт. Ўтмишини унутганининг келажаги ҳам бўлмайди. Одам хотираси билан одам, хотира мавжудотлар орасида фақат одамга хос фазилат. Тарихий Ватанини эслаш, кўмсаиш инсоннинг маънавиятини белгиловчи асосий омиллардан. Тарихий Ватанини ёдидан чиқарган одам яшаб турган жойининг ҳам қадрига етмайди. Бу Юрт бошига бирор нохушлик тушса, дарҳол у ерни тарк этиб, бошқа қулайроқ ерга кета қолади, тирик-чилик учун қулайроқ жойни танлайди. Бундай кимсаларни ўтлоқда емиш тугагач, серўт яйловни излаб кетадиган подага қиёс

қилиш мумкин. Расул Ҳамзатов айтганидек, “Ҳар бир одам болалигидан ўз халқининг вакили бўлиш учун дунёга келганини билиши ва шу вазифани зиммасига олишга ўзини тайёрлаши керак”.

Янги тараққиётдаги барча эришилган ютуқлар ва муваффақиятлар бевосита миллий мустақиллик билан боғлиқ. Аждодлар томонидан асрлар давомида сақланиб келаётган миллий анъаналар, қадриятлар, урф-одатлар ва миллий ўзликни англаш гоёсининг вужудга келишига мустақиллик миллий тараққиёт учун асос бўлди.

Ўзбекистон Республикаси Президенти томонидан Ҳаракатлар стратегиясининг қабул қилиниши тараққиётни таъминлашнинг янги босқичи бўлди ва барча соҳаларда, хусусан, миллий муносабатларда янги даврни бошлаб берди.

Ўзбек тилининг изохли лугатида стратегик режалаштириш мазмуни қуйидагича ифодаланган: «Мақсадга эришишнинг узок муддатли режаси; ижтимоий-сиёсий ҳаётни тараққий қилдиришни, шунингдек, бошқарувни узок муддатли, тўғри ва истиқболли режалаштириш». Ҳаракат, ўз мазмунига биноан, киши ва нарсаларнинг ёки уларнинг қисмларининг кимирлаши, ўз ҳолатини ўзгартириши, тинч туришига нисбатан карама-қарши ҳолат. Бирор ишга киришиш, бирор нарса қилишга уриниш, интилиш, тиришиш, тараддудни англатади. Ҳаракатнинг фалсафий мазмуни, модданинг яшаш усули, унинг ажралмас хусусияти, моддий дунёнинг ўзгариши ва ривожланишининг тўхтовсиз жараёнидир. Ушбу талқиндан маълум бўладики, ҳаракатлар стратегияси жадал тараққиёт, жамиятда содир бўлаётган воқеликларга илмий асосланган тезкор жавоблар тайёрланиши заруриятини талаб қилади. Ҳаракатлар стратегияси жамиятнинг ижтимоий, иқтисодий потенциалини ва инсон ресурсларини, унинг интеллектуал имкониятларини тўлиқ сафарбар этишни талаб қилади. Энг муҳими, жамият аъзолари, ёшлар, ҳаракатлар стратегиясининг моҳияти, уни бажариш зарурияти, пировард натижаси ҳақида муайян маълумотга эга бўлиши лозим.

Бу вазифа, аҳолидан, ёшлардан ҳаракатлар стратегияси мазмунини англаши, мустақил ўрганиши ва фаолияти мазмунини ҳаракатлар стратегияси талабларига мослашини, ундан прагматик хулосалар чиқариш заруриятини шакллантиради. Бундай шароитда ёшлар ахлоқий маънавияти муҳим аҳамият касб этади. Файласуф олим А.А.Гусейнов фикрича, ҳозирги даврда ахлоқ ўзининг чегаралаб қўйилган шаклига эга эмас. Аммо у ижтимоий аҳамиятга эга бўлган барча фаолиятга хос бўлган ҳодисадир.

Сиёсий жиҳатлари ватанпарварлик, инсонпарварлик ва инсон манфаатларини менсимаслик, иқтисодий муносабатларда адолатпарварлик ва адолатсизлик, маънавий жиҳатдан ҳақиқатғўйлик ва ноҳақликда намоён бўлади. Бу ўринда унинг ахлоқ нормаларига муносиб бўлган ҳолда сиёсий, иқтисодий, маънавий жиҳатлари, жараёнлари ҳақида фикр юритилади. Ахлоқ ҳар бир индивиднинг бошқа индивид билан муносабатларида кўзга ташланади».

Глобаллашув даврида жаҳонда ижтимоий, иқтисодий, сиёсий вазият жадал узгармоқда, одамларнинг давлатлараро ҳаракатини осонлаштириш мақсадида божхона ҳужжатлари соддалаштирилмоқда, қўшни республикалар билан чегаралардан кириш-чиқиш муаммолари бартараф бўлди, маданий алоқалар кенгайди,

халқаро кооперация янги даражага чиқди. Жаҳонда ядро, химия курулларига эга бўлганлик ва унинг цивилизацияни бутунлай йўқотишга бўлган реал хавфи, уруш ва босқинчилик фикри ўрнига, инсоният ҳуқуқий ва ахлоқий нормаларни қўллаб қуватлайдиган парадигмаларни вужудга келтирди. Инсоният ўз бошидан кечирган иккита жаҳон уруши, ядро портлашларининг натижалари, босқинчилик ғоясига асосланган сиёсатнинг келажаги йўқлигини исботлади.

Бугунги кунда халқаро майдондаги муносабатларнинг мустаҳкамланишида маданий алоқалар муҳим ўрин эгалламоқда, бундай шароитда суверен давлатимиз инсоният цивилизацияси ва маданий алоқаларига ўзининг тинчликсевар сиёсати, маданий муносабатлар, ўзаро алоқаларини янги поғонага олиб чиққанлиги билан муносиб ҳиссасини қўшмоқда. Глобаллашув даврида инсоният ўзининг миллий, диний, маданий, иқтисодий манфаатларидан ташқари, умуминсоний манфаатлари мавжудлигини англади.